

全上古三代秦汉
三国六朝文
秦汉
上古三代
第十一册
第十册

全代國
上秦六
古漢朝
三三文

江苏工业学院图书馆
藏书

光緒丁亥
於廣州廣雅
書局癸巳九
月刻竟會替
陶濬宣題記

易曰觀乎人文以化成天下文之爲用大矣哉凡夫政治之隆替
風俗之淑慝天地之變幻民物之盛衰胥於是乎驗之故孔子歎
夏殷之無徵幸後死之得與端木氏亦言識大識小其可貴如是
然則古人之文豈可任其放失乎嘉慶間開館輯全唐文烏程嚴
廣文可均慨然念前此當有總集因遐搜博覽自三古迄隋鴻篇
鉅製孤句殘文靡不纂錄爲書七百四十七卷作者三千五百二
人可謂極學海之大觀爲藝林之寶笈矣書甫成揚州鮑氏擬刻
不果黟縣俞氏爲祁文端校寫文目亦未刊光緒初蔣明經壑刊
行目錄止坵小傳益卷帙浩繁成之難而傳之正未易易也歲在
丙戌南皮張尙書總制兩粵設廣雅書局余以運使承乏其閒暇
與柳橋太守語及此書太守言曾以五百金購得原槧余假而閱
之點竄塗乙丹墨紛如皆廣文手筆因憶俞氏癸巳存槧有目錄
識語叙述甚悉惟謂此實陽湖孫淵如觀察之力而鐵橋廣文籤

寫裁貼成之蓋未審也時書局方刻甲乙部書未遑及此余急觀厥成爰請於制府捐廉刻之並屬同局廖澤羣太史陶春海孝廉黎震伯博士勘定今而後攷唐以前著作者庶幾大備而歷代之化成亦燦然可觀矣夫物之顯晦有時廣文竭數十年精力成此囊括之書其不終晦也明甚然以前人口口轉求傳而未得者余一旦挂名卷末此固會逢其適而非太守之雅誼亦不能成此美舉也書有自序有凡例大旨已詳惟刊刻緣起不可以不記故略述其概且以識余之厚幸云爲余綱紀其事者卽方柳橋太守功惠暨王雪澂太守秉恩王子戩太守存善皆書局提調也黃岡王毓藻序

全上古三代秦漢三國六朝文總敘

嘉慶十三年開全唐文館不才越在艸茅無能爲役慨然曰唐之文盛矣哉唐已前要當有總集斯事體大是不才之責也其秋始艸勅之廣搜三分書與夫收藏家祕笈金石文字遠而九譯旁及釋道鬼神起上古迄隋鴻裁鉅製片語單辭罔弗綜錄省并複疊聯類畸零作者二千四百九十七人分代編次爲十五集合七百四十六卷肆力九年艸勅粗定又肆力十八年拾遺補闕抽換之整齊之畫一之已于事而竣攀五扈之散亡揚萬古之天聲唐已前文咸萃于此可繕寫烏程嚴可均

凡例

一是編從羣書纂錄字體正俗略依本書凡

廟諱

御名謹遵四庫書聚珍本定例敬闕末筆

一是編創始于嘉慶十三年時初開全唐文館館臣曰唐碑或有王侍郎昶金石萃編未載者屬爲廣輯既錄本呈館遂并錄唐已前文肆力七八年積草稿等身者再省并複重得厚一寸者百餘冊一手校讎不假眾力無因襲無重出各篇之末皆注明見某書某卷或再見數十見亦備細注明已待覆檢

一是編大例遵全唐文全唐文不載詩已有全唐詩而唐已前詩有馮惟訥古詩紀畧漏無多故是篇亦不載詩然如班固兩都賦末有明堂辟雍等五詩理無割棄不能不破例

一分代編次曰上古三代曰秦曰漢曰後漢曰三國曰晉曰宋曰

齊曰梁曰陳曰後魏曰北齊曰周曰隋每代姓名次第曰帝曰后曰宗室諸王曰國初羣雄曰諸臣曰宦官曰列女曰闕名曰外國曰釋氏曰僊道曰鬼神

一開勅之君如魏武造魏長沙桓王造吳晉宣景文造晉齊神武造齊周文造周依各史列當代諸帝之首其諸臣已始仕之年分別先後而子弟孫曾聯屬其下其仕前代又仕後代者歸後代如漢臣臣魏列魏初魏臣臣晉列晉初其累仕數代者歸最後之代如陽休之崔猷袁聿修歷事後魏北齊周隋王元規江總歷事梁陳隋列隋初其前代遺老卒于後代者歸前代如譙玄列漢末陶潛列晉末舊史無定例或兩載今宜畫一其後代佐命卒于前代者歸前代如周瑜荀彧魯肅關羽呂蒙列漢末劉穆之列晉末皆已卒年爲斷

一唐已前舊集見存今世者僅阮籍嵇康陸雲陶潛鮑照江淹六

家蔡邕集宋時得殘本重加編次餘無存者見行董仲舒司馬相如東方朔揚雄孔融曹植劉楨王粲陳琳阮瑀徐幹潘岳陸機支遁謝靈運顏延之謝惠連梁武帝簡文帝元帝蕭統沈約任昉陶宏景何遜徐陵庾信集二十七家皆明人輯本罣漏孱越絕無罕見之篇今此纂錄得三千六百二十五家家一二篇至十餘卷不等其文分類編次曰賦曰騷曰制曰誥曰詔曰敕曰璽書曰下書曰賜書曰冊曰策命曰策問曰令曰教曰誓曰盟文曰對策曰對詔曰章曰表曰封事曰疏曰上書曰上言曰奏曰議曰駁曰檄曰移曰符曰牒曰判曰啟曰牋曰奏記曰書曰答曰對問曰設論曰設曰難曰釋難曰辨曰考曰七日記曰序曰頌曰贊曰連珠曰箴曰銘曰誡曰傳曰敘傳曰別傳曰約曰券曰誄曰哀冊曰哀辭曰墓誌銘曰碑曰靈表曰行狀曰弔文曰祭文曰祝文曰題後曰雜著其僭逆如王莽植玄等則先表疏後詔令變例呂別之

一是編于四部爲總集亦爲別集與經史子三部必分界限然界限有定而無定詔令書檄天文地理五行食貨刑灋之文出于書騷賦韻語出于詩禮議出于禮紀傳出于春秋百家九流皆六經餘潤故四部別派而同源故文選爲總集而收毛詩序尚書序春秋左氏傳序史論史述贊典論論文苑英華唐文粹亦如此是經史子三部闖入集部在所不嫌全唐文不載晉梁陳北齊周隋史論贊又不載帝範元子仲蒙續孟素履兼明化書等子書目諸史子見存今遵其例而推廣之曰爲界限凡經傳不錄錄經傳中所載之誓誥箴銘等文錄佚經而佚詩屬詩石鼓亦屬詩不錄錄金石刻辭而岫嶼碑字難識不錄史記兩漢三國宋齊後魏及漢紀後漢紀華陽國志之論贊全本見存不錄錄史序史評錄佚史之論贊而佚史之紀傳不錄方志不錄子書見存者不錄錄佚文及佚子書屈騷見存不錄錄宋玉賈誼呂下之擬騷又面敕面對

未登簡牘者不錄然史家語例頗未畫一如魏志張既王基千里陳事不云書啟漢書莽詔半作莽曰史記文景武詔作上曰若此之類皆入錄

一文有煩簡完闕雅俗或寫刻承訛或宋已前依託畢登無所去取

一詔令書疏奏議碑版等文皆按年月日爲先後年月未詳列于各類之末賦頌箴銘依唐人類書分門爲先後

一詔令書檄有可考爲某人具草者歸入撰人集中

一詔令表疏奏議等題曰半皆因文追撰或舊有題卽仍其舊至文苑英華題或未安偶亦刪改

一唐以前舊集體例不與今同如揚雄上書諫勿許單于朝御覽八百十一引雄集曰單于上書願朝哀帝曰問公卿公卿曰虛費府帑可且勿許單于使辭去未發雄上書諫云云所曰識其緣起

也末又引雄集曰天子召還匈奴使者復報單于書而許之賜雄黃金十斤所引竟其事也諸引舊集此類甚多今竝纂錄

一宋齊梁陳隋文多完篇東漢三國晉文散見羣書者各自刪節往往有文同此篇從數處采獲或從數十處采獲合而訂之可成完篇張溥百三家集所載魏晉諸賦亦如此而賦彙即據爲定本謹遵此例刺取引見之文已校譌補缺至乃碎錦殘圭義不連貫則爲散條附當篇之末片語單辭未敢遺棄

一是編三千四百餘家皆爲之小傳里系察舉遷除封拜贈諡著述略具始末或其人不可見于史傳則參考羣書略著爵里如又不可得則云爵里未詳或竝不知當何帝之時則列每代之末至胡安道二十許人引見竝不知朝代但知爲唐已前耳別爲先唐文一卷列全書之末

總目

全上古三代文十六卷 二百六人

全秦文一卷 十六人

全漢文六十三卷 三百三十四人

全後漢文一百六卷 四百七十八人

全三國文七十五卷 二百九十四人

全晉文一百六十七卷 八百三十人

全宋文六十四卷 二百七十八人

全齊文二十六卷 一百三十一人

全梁文七十四卷 二百四人

全陳文十八卷 六十三人

全後魏文六十卷 三百二人

全北齊文十卷 八十四人

全後周文二十卷

六十一人

全隋文三十六卷

一百六十八人

先唐文一卷

五十四人

韻編全文姓氏五卷

原缺

大凡全上古三代秦漢三國六朝文十五集作者二千四百九十六人附韻編姓氏合七百四十六卷

附見存漢魏六朝文集板刻本目錄

蔡邕集十卷外傳一卷

一明初九行仿北宋本
一影寫蘭雪堂活字本
一明錫山重刻
一明徐子

器六卷本
陳雷六卷本

阮籍集十卷

嵇康集十卷
竝明黃省
曾刻本

陸雲集十卷
明都穆二
俊文集本

陶潛集十卷
宋僧思悅編明仿宋刻
本一六卷谷圃刻本

鮑照集十卷
一影寫宋刻本
一明都穆刻本

江淹集十卷
一明汪士賢刻本
一揚州江氏刻本

已上七家集皆舊本唯蔡邕集宋人重編唐人引見之語往往

不在集中皆對校訖

董仲舒集一卷

司馬相如集一卷

東方朔集一卷

拉明禧刻本

揚雄集五卷

宋譚愈輯本 一明鄭璞補輯六卷本

曹植集十卷

明郭萬程刻本

建安七子集三冊

明楊德明輯本

潘岳集六卷

陸機集十卷

明都穆二俊文集本其序言宋舊本其實從羣書纂輯非舊本也

支遁集二卷

釋藏本

謝靈運集四卷

明沈道初刻本

謝惠連集一卷

顏延之集一卷

謝朓集五卷

一明刻本 一吳騫刻本

沈約集四卷

明沈道初刻本

梁武帝集八卷

明閻光世蕭梁文苑本

九十一
小一百八十五

梁昭明太子集六卷

一明閻光世本
一明楊慎五卷本

梁簡文帝集十四卷

明閻光世本

梁元帝集八卷

明閻光世本

梁宣帝邵陵王豫章王武陵王南康王合集一卷

明閻光世本

任昉集六卷

陶宏景集二卷

一道藏本傅霜編
一明黃淮序刻本

何遜集一卷

項道暉刻本

徐陵集四卷

庾信集十六卷

已上二十四種集本皆明人纂輯

宋林慮西漢詔令十二卷四百一篇宋樓昉東漢詔令十一卷二

百五十三篇